

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 282746 23 St
Tuzla, 05.12.2023.godine

Općinski sud u Tuzli, sudija Antonela Đaković kao stečajni sudija u stečajnom postupku nad stečajnim dužnikom "TERMIN-PROM" d.o.o. za proizvodnju, promet i usluge Tuzla, ul. Slavinovići-Luke F/C, odlučujući o prijedlogu za otvaranje stečajnog postupka, dana 05.12.2023.godine donio je

R J E Š E N J E

OTVARA SE stečajni postupak nad imovinom dužnika "TERMIN-PROM" d.o.o. za proizvodnju, promet i usluge Tuzla, ul. Slavinovići-Luke F/C, matični broj subjekta 32-01-0072-13, JIB:4210097090008, račun broj:1543602004564785 otvoren kod Intesa SanPaolo bank BiH d.d.

Za stečajnog upravnika imenuje se Senad Uzunić iz Tuzle, ul. Izeta Sarajlića br. 5C.

ZAKLJUČUJE SE stečajni postupak nad imovinom dužnika "TERMIN-PROM" d.o.o. za proizvodnju, promet i usluge Tuzla, ul. Slavinovići-Luke F/C, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama FBiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama FBiH“, a pravosnažno rješenje će se dostaviti Odjelenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem suda od 06.10.2016.godine, otvoren je postupak likvidacije nad dužnikom "Termin-prom" d.o.o. za proizvodnju, promet i usluge Tuzla. Za likvidatora je imenovan Damir Ćilimković, advokat iz Tuzle. U zakonskom roku, nakon objave rješenja o otvaranju likvidacionog postupka u Službenim novinama FBiH broj 82/16 od 19.10.2016.godine, prijavu potraživanja podnijela je Uprava za indirektno oporezivanje BiH, RC Tuzla u iznosu od 48.550,00 KM.

Likvidator je na ročištu 28.09.2017.godine izjavio da se povodom navedene prijave potraživanja vodi upravni postupak, zbog čega je rješenjem ovog suda broj 32 0 L 282746 16 L od 28.09.2017.godine prekinut likvidacioni postupak do okončanja postupka za utvrđivanje osnovanosti potraživanja povjerioca UIO BiH RC Tuzla. Na prijedlog punomoćnika likvidatora dana 16.05.2023.godine doneseno rješenje broj: 32 0 L 282746 16 L, kojim se nastavlja likvidacioni postupak koji je prekinut rješenjem suda broj: 32 0 L 282746 16 L od 28.09.2017.godine.

Na ročištu za ispitivanje prijava potraživanja održanom dana 11.09.2023.godine punomoćnik likvidatora je izjavio da ne osporava podnesenu prijavu potraživanja UIO BiH, RC Tuzla i da priznaje u cijelosti dug u iznosu od 48.550,00 KM, a s obzirom da pravni subjekt ne obavlja djelatnost već dugi niz godina tj. od 2015 godine nema imovine, nepokretne niti pokretne, te nije u mogućnosti da izvrši svoju obavezu, predložio je da se obustavi likvidacioni postupak i pokrene

stečajni postupak. Punomoćnik povjerioca UIO RC Tuzla je izjavio da ostaje kod prijave potraživanja i da je suglasan da se obustavi likvidacioni postupak.

Imajući u vidu da u smislu odredbe člana 2. stav 1. Zakona o likvidacionom postupku, propisano je da se postupak likvidacije provodi radi namirenja svih povjerilaca pravnog lica, unovčenju njegove imovine, a kako likvidacioni dužnik prema izjavi i dostavljenom izvještaju od strane likvidatora ne posjeduje imovinu koja bi činila likvidacionu masu za namirenje potraživanja povjerilaca, sud je dana 11.09.2023.godine donio rješenje kojim se obustavlja likvidacioni postupak, koje rješenje je objavljeno u Službenim novinama broj 72/2023 od 20.09.2023.godine i postalo pravosnažno dana 28.09.2023. godine.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju FBiH („Sl novine FBiH“ broj 53/21), sud je rješenjem od 20.10.2023. godine pozvao predlagača, povjerioca i sva zainteresovana lica da u roku od 30 dana od dana objavljivanja poziva u službenim novinama uplate iznos od 3.000,00 KM na ime otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica objavljeno je u Službenim novinama FBiH broj 84/2023 dana 01.11.2023.godine, oglasnoj tabli suda dana 23.10.2023. godine i na web stranici suda.

Obzirom da u ostavljenom roku koji je propisan zakonom predlagač, povjerioci ili neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBiH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama FBiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama FBiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2. Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

STEČAJNI SUDIJA
Antonela Đaković

POUKA O PRAVNOM LIJEKU: Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.